

Nuna tamakkerlugu naatsorsuutit 2003-2011


*Kisitsisit pillugit
naatsumik nassuiaat*

Nuna tamakkerlugu naatsorsuutit tunisassiornermit aallaavillit inuiaqatigiit aningaasaqarnerata ineriartorneranik ersersitsisarput. Naatsorsukkat takutittarpaat inuutisarsiuutit inoqutigiillu aningaasaqarnerat, minnerunngitsumillu avammut niueqateqarnerup ingerlarna. Taamaasilluni nioqutit kiffartuussutillu pilersiortorneqartut atorreqartullu naatsorsuusiatiqut takussutissartaqalersarput. Saqqummersitaq manna, Naatsorsueqqissaartarfiup saqqummersitaani nuna tamakkerlugu naatsorsuutini ukiunik arlalinnik tunngaveqartuni, aappassaraat.

2011-imi aningaasaqarnikkut siuarlaat 3,2 pct-iusimavoq

Tunisassiornerup nalinga (Bruttonationalprodukt, naalisarlugu BNP) 2011-imi 3,2 pct.-mik qaffariarsimavoq, akit qaffakkiartornerat ilanngaatigereerlugu. Nunap iluani pisiumassuseq ataatsimut isigalugu siuariarsimavoq, tamatumunnga peqquataavoq pisortat inuutisarsiuutillu atuinerulersimammata, illuatungaani inoqutigiit atuinerat appariarsimalluni. Ataatsimut oqaatigalugu Kalaallit Nunaata aningaasaqarnera ukiuni kingullerni marlunni siuariartorsimavoq, ukioq 2009-mi kinguariarsimanerup kingorna.

Titartagaq 1. Tunisassiornerup nalinga (BNP), akit qaffakkiartornerat peerlugu



Malugiuk: 2003-2008-mi kisitsisit inaarutaasuupput, 2009-2011-mili kisitsisigallarnerullutik.

*Kisitsisit inaarutaasut
ilaqqipput*

Ukioq 2006-imit 2008-mut kisitsisit maanna inaarutaasunngorput, taamaakkaluar-torli tamanna kisitsisinut saqqummiuteriikkatsinnut, aningaasaqarnerup ineriartorsimaneranut tunngasunut, allannguutinik annertunerusunik kinguneqanngilaq. Nuna tamakkerlugu naatsorsuutit inaarutaasut naatsorsuusiatiqut takutippaat 2006-imi BNP 5,4 pct.-mik siuariarsimavoq, tassa kisitsisigallarluni naatsorsukkami 6,6 pct.-iusimagaluarpoq. 2007-imi siuarlaat pct.-imik ataatsimik ilaqqippoq, 2008-milu ineriartorneq 0,2 pct.-imik ilanngarneqarluni. Titartagaq 1 takuuk. Kisitsisit 2006-

2008-meersut inaarutaasunngorneri tunngavissiippat BNP-p 2009-mit 2010-mut kisitsisitali utaqqiisaasut nutarternissaannut. Kisitsisitali utaqqiisaasut allannguutaat itinerusumik paasisaqarfigerusukkukku saqqummersitali *Nuna tamakkerlugu naatsorsuutit 2003-2011*-mi kapitali 3 alakkarsinnaavat.

Siornatigut saqqummiuteriikkanut sanilliullugu allannguutaasuni ersarinnerisaavoq ineriartornerup sannaata allanngornera. Ukioq 2009-ip aningaasarliorfiusup kisitsisitali annertunerusumik allannguuteqanngillat. Kisiannili ukioq naatsorsueqqissaarnerit takutippaat BNP-p ineriartornera akit qaffakkiartornerannik ilanngagaq anner-tuumik appaaffiusariaqartoq. Kisitsisitali 2009-mut 2010-mullu tunngasunik suku-miinerusumik paasisaqarusukkuit saqqummersitali kapitali 3 alakkarsinnaavat

*BNP innuttaasunut
agguarlugu*

Takussutissaq 1-imi BNP-p aammalu BNP-p innuttaasunut agguarnerata ineriartor-nera 2003-mit 2011-mut. Akit aaliangersimasut 2005-imeersut tunngavigalugit BNP-p innuttaasunut agguarnera 2011-mi 198,9 tkr.-imit 204,7 tkr.-imut qaffariarsima-voq. Tamatuma assigaa Kalaallit Nunaannit innuttaasoq ataaseq 5,8 tkr.-imik piler-sitsinerusalersimasoq, imaluunniit pct.-nngorlugu 2,9.

Takussutissaq 1.

BNP aamma BNP innuttaasunut agguarlugu, akini ingerlaavartuni akinilu aaliangersimasuni 2005-imit aallaavilinni

	2003	2004	2005	2006	2007	2008	2009	2010	2011
	-----Akit ingerlaavartut								
BNP, mio. kr.-ini.	9.239	9.689	9.897	10.771	11.106	11.736	12.125	12.741	13.060
Innuttaasunut agguarlugu, 1.000 kr. ...	163,0	170,4	173,7	189,3	196,0	207,9	215,8	225,7	230,7
Indeks, 2005=100	93,8	98,1	100,0	109,0	112,9	119,7	124,2	129,9	132,8
Ukiumut BNP-p ineriartornera		4,9	2,1	8,8	3,1	5,7	3,3	5,1	2,5
	-----Akit aaliangersimasut, 2005 aallaavigalugu								
BNP, mio. kr.-ini.	9.151	9.541	9.897	10.429	10.783	11.006	10.705	11.230	11.590
Innuttaasunut agguarlugu, 1.000 kr. ...	161,5	167,8	173,7	183,3	190,3	194,9	190,5	198,9	204,7
Indeks, 2005=100	92,9	96,6	100,0	105,5	109,6	112,2	109,7	114,5	117,8
Ukiumut BNP-p ineriartornia		4,3	3,7	5,4	3,4	2,1	-2,7	4,9	3,2


Malugiuk: 2003-2008-mi kisitsisitali inaarutaasuupput, 2009-2011-mili kisitsigallarnullutik. Indeks BNP-p innuttaasunut agguarnera tunngavigalugu naatsorsugaavoq.

*Nunanut allanut
naleqqersuussinnaaneq*

Nuna tamakkerlugu naatsorsuutit FN-ip nunanut tamalaanut naatsorsueriaasissatut najoqqutassiai malillugit naatsorsugaapput, tamatumalu ajornanngissisippaa Kalaal-lit Nunaata aningaasaqarnerata nunanut allanut najoqqutassianik malinnittunut sanillersuussinnaanissaa. Titartakkami ataaniittumi Kalaallit Nunaanni aningaasa-qarnerup ineriartornera nunanut toqqakkanut arlalinnut, nunallu OECD-mut ilaasut agguaqatigiissillugu ukiumut ineriartornerannut sanilliunneqarpoq.

Titartagaq 2.

Kalaallit Nunaanni nunanilu allani BNP-p ineriartornivia, 2006-2011, akit aaliangersimasut



Titartakkami qulaaniittumi erserpoq nunani toqqakkani aningaasaqarnerup ineriartornivia assigiipajaamik ingerlasimasoq, aallaqqaammut ineriartupiloorneqariarluni ukiumi kingullerni kinguariartorneqarluni. Aamma takuneqarsinnaavoq Kalaallit Nunaanni ineriartornivik – nunat allat assigalugit – 2009-mi ammut ingerlasimasoq.

Pdf-inngorlugu Saqqummersitaq **"Nuna tamakkerlugu naatsorsuutit 2003-2011"** PDF-inngorlugu Naatsorsueqqissaartarfiup nittartagaani www.stat.gl-imi aaneqarsinnaavoq.

Kisitsisaateqarfik Tabelit sukumiisut saqqummersitamut **"Nuna tamakkerlugu naatsorsuutit 2003-2011"**-mut tunngasut www.stat.gl-imi aaneqarsinnaapput .

Paasisaqarnerorusukkuit Naatsorsueqqissaartafimmi pisortamut saaffiginnissinnaavutit: Anders Blaabjerg, e-mail abla@stat.gl, (tlf. 36 23 72).

Inussiarnersumik inuulluaqqusillunga

Anders Blaabjerg
Naatsorsueqqissaartarfiimmi pisortaq